



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Komisija za vanjsku trgovinu i carine
Broj : 01 /3-O I 1-275/O 1
Sarajevo, 17.05.2001.

Z A P I S N I K

sa 4.sjednice Komisija za vanjsku trgovinu i carine Predstavničkog doma Parlamentarne skupštine, održane 17. maja 2001.godine

Sjednica je počela u u 12,15.

Sjednicom je predsjedavao Tihomir Gligorić, predsjedavajući Komisije. Sjednici su prisustvovali: Ibrahim Đedović, Ljubomir Kovačević, Emina Zaćiragić, Zoran Spasojević i Senad Šarganović, članovi Komisije.

Opravdano odsustvovao sa sjednice Ramiz Vilić.

Sjednici nisu prisustvovali Mirza Kušljugić i Mirko Baković.

U svojstvu predstavnika predlagača amandmana prisustvovao je Mirko Banjac.

Predsjedavajući Komisija za sjednicu je predložio sljedeći

D N E V N I R E D

1. Zakon o vanjskotrgovinskoj komori Bosne i Hercegovine

Predloženi dnevni red je jednoglasno usvojen.

Ad – 1

Predsjedavajući Komisije je iznio hronologiju događanja povodom komisijske faze zakonodavnog postupka Prijedloga zakona vanjskotrgovinskoj komori, posebno ističući da je od Vijeća ministara BiH traženo da se pismeno izjasni o Amandmanima koje je uložio poslanik Mirko Banjac. Vijeće ministara BiH nije komisiji dostavio pismeni stav o amandmanima i cijenio je da bi komisija trebala još jednom razmotriti

amandmane i zamolio predlagača da članovima komisije obrazloži amandmane.

Zatim je poslanik Mirko Banjac obrazlagao svoje amandmane ističući da institucije BiH ne mogu imati izvorne prihode i da se Vanjskotrgovinska komora BiH treba finansirati sa 1/3 iz Republike Srpske, a 2/3 iz Federacije BiH, da članstvo u Vanjskotrgovinskoj komori BiH ide preko privrednih komora entiteta i daje ponudio zadovoljavajuća rješenja kadaje u pitanju kontinuitet i imovina. Član komisije Emina Zaćiragić je izjavila da po njoj o amandmanima netreba raspravljati i ponavljati ono što je riješeno. Na ovo je gospodin Banjac uzvratilo da su privredne komore entiteta realnost, a gospoda Zaćiragić uzvratila da njih neće biti. Potom je nastala žučna rasprava u kojoj je gospodin Banjac rekao da ne može biti prihoda Vanjskotrgovinske komore BiH, a Emina Zaćiragić je uzvratila da će ih biti i da je ponašanje gospodina Banjca čista opstrukcija, a Banjac uzvratilo da on iznosi činjenice, a gospoda Zećiragić rekla kako ona zna šta on misli. Gospodin Banjac je insistirao da se u zapisniku navede da gospoda kaže šta on misli, a ne šta on kaže i da on neće odustati od amndmana.

Član komisije Zoran Spasojević je naveo da on do sada nije dobijao pozive za sjednice komisije i da daje podršku amandmanima i kakav bi bio rezultat glasanja da je on prisustvovao sjednici i glasao za amandmane. Predsjedavajući je istakao da bi u tom slučaju glasanje bilo nerješeno, ali da sada se ne može dovoditi u pitanje ranija odluka i da je ona validna.

Predsjedavajući je predložio da se Prijedlog zakona o vanjskotrgovinskoj komori proslijedi u dalju proceduru, kako je to ranije odlučeno, a predlagača amandmana upućuje da amandmane može pokušati braniti u plenarnoj fazi.

Zoran Spasojević je istakao da je veliki problem što Komisija nema sekretara i da ta činjenica veoma utiče na rad Komisije i da se sugeriše Kolegiju da se to pitanje hitno riješi.

Sjednica je završena u 13,00 sati.

PREDSJEDAVAJUĆI KOMISIJE
mr. Tihomir Gligorić

T. Gligorić